

Trabol long Pak

Hunter i pulum gud win blong hem. "Mi no stap talem ol toktok ia."

I kam long Diana Evelyn Nielson
(I kamaot long wan tru stori)

Stori ia i tekem ples long YSA.

Hunter i ron krosem pak wetem ol fren blong hem. Hem i smael taem hem i filim win i stap fas long hem. !Hem i filim se hem i ron hariap we mo bodi blong hem i laet!

Kyle i tajem fanis faswan. "!"Mi win!" hem i singaot.

Hunter i kasem fanis smol taem afta. "!"I no fea ia! Yu yu stat faswan."

"Yes," Miguel i talem. "!"Yumi resis i go long tri ia!"

Hunter i stat blong ron bakegen. Naoia, hem nao i tajem tri faswan. Be Miguel i stap stret biaen long hem.

"!"Mi win!" Miguel i talem.

"No, Hunter i win," Piper i talem.

"Yes," Kyle i talem.



Miguel i foldem ol han blong hem. Afta hem i talem wan nogud toktok.

Ol nara pikinini oli laf. Miguel i talem toktok ia bakegen, mo oli laf sam moa.

Hunter i no filim glad insaed. Hem i save se toktok ia i nogud blong talem. Be hem i no wantem oli jikim hem. Hem i no talem wan samting.

Piper i talem wan nara nogud toktok. Afta Kyle i talem wan nara wan.

"Naoia yu talem wan, Hunter," Kyle i talem.

"Yes, ale," Miguel i talem. "Talem wan nara nogud toktok."

Hunter i pulum gud win blong hem. "Mi no stap talem ol toktok ia."

"Blong talem wan toktok bae i no mekem yu harem nogud," Kyle i talem.

"Mi no wantem," Hunter i talem.

"?Yu yu fraet tumas?" Miguel i laf.

Fes blong Hunter i filim hot. "Bae mi go pleplei long wan nara ples."

Ol nara pikinini oli gohed blong laf mo talem ol nogud toktok. Hunter i wantem blong ronwe. Naoia i nomo filim naes blong stap long pak. "Lukim yufala," hem i talem sloslo.

Hunter i putum, ol han blong hem long poket blong hem mo wokbaot sloslo bitim ol nara pikinini. Hem i no filim se hem i ron spid o filim laet bakegen. Hem i filim hevi.

Hem i faenem Mama mo Papa we tufala i stap sidaon long wan jea. Papa i putum buk blong hem daon. "?Yu yu oraet?"

Hunter i movum ol solda blong hem se i no save. "Oli stat blong stap talem ol nogud toktok. Mi mi no wantem talem ol toktok ia, mekem se mi aot."

Mama i smael. "Yu gat strong paa long tingting." "Mitufala i glad long yu," Papa i talem. "Hem i had



blong mekem ol gudfala joes taem ol pipol raon long yumi oli no stap mekem."

Hunter i pulum longfala win. Hem i glad se hem i mekem raet joes, be yet hem i no filim gud.

"?Yu wantem gobak long haos?" Mama i askem.

Hunter i tingting long hem. "No yet," hem i talem. Hem i lukluk antap long wan nara grup blong ol pikinini we oli stap pleplei long sip laen. "Bae mi go long we."

Taem hem i stap wokbaot i go, wan long ol boe ia i saksakem han long hem. "Halo, mi mi David."

"Mi mi Hunter. ?Mi save jiam wetem yu?"

"!"Yes!"

Hunter i traem wan raon long sip laen mo i filim win i fas long hem. Taem hem i stap pleplei wetem David wetem ol narawan, hem i filim se hem i spid mo laet bakegen. Hem i bin mekem wanem we i raet, nomata we i bin had. Hem i glad se hem i bin mekem wan gudfala joes. ●

Blong lanem moa abaot blong stap mekem ol gudfala joes, ridim Ol Gospel Standet blong Mi biaen long *Gaedbuk blong Ol Pikinini*.